

Ilanngussaq 2, AIS 2026-p aappassaaneerreqarneranut atatillugu oqaasertaliussanut AS oqaasertaliussassanullu nassuiaatit:

Naalakkersuisut - Suliassaqarfik 10 – 89

Nr. 103.

Oqaasertaliussaq nr. 13 tulliuttoq suliassaqarfimmut uunga ivertinneqassasoq qinnutigineqarpoq. Oqaasertaliussat ivertinneqarnissaannut qinnuteqarnermut oqaasertaliussanut ukununga tunngavilersuummumut nassuiaatit innersuussutigineqarput:

"Nr. 13.

Illunut sanaqataaffiusunut taarsigassarsiat pillugit Inatsisartut inatsisaat nr. 28, 3. december 2018-imeersoq kingusinnerusukkut allannguutitalik naapertorlugu – Naalakkersuisut Inatsisartut inatsisaanni aalajangersakkat malillugit taarsigassarsisitsillutillu tapiissuteqarnissaannut piginnaatinneqarput.

Taamattaaq Naalakkersuisut allaffissornikkut ingerlatsinermut aalajangersakkanik erseqqinnerusunik aalajangersaasinnaapput, tassani tunniussinernut, taarsigassarsisitsinermi atugassarititanik, kiisalu aqqissuussinerup aqunneqarneranut aqqissuussinermillu nakkutilliineq ilanngullugit.

Kommunalbestyrelsip illunut sanaqataaffiusunut taarsigassarsiat pillugit Inatsisartut inatsisaat nr. 28, 3. december 2018-imeersoq kingusinnerusukkut allannguutitalik malillugu taarsigassarsitisinissamut tapiissuteqarnissamulluunniit periarfissaata ulloq 1. januar 2026 aallarnerfigalugu atorunnaarnissaa, tamatuma malitsigaa.

Taarsigassarsiat taarsigassarsisitsinissamillu neriorsuutit Inatsisartut inatsisaat malillugu taarsigassarsisumut nalunaarutigineqareersut kommunalbestyrelsi taarsigassiisuutillugu inatsimmilu atugassarititaasut malillugit ingerlatsiinnarneqassapput. Illu sanaqataaffigisaq inniminneerreqareersimappat sanaartorneqalereerluniluunniit, taarsigassarsisitsinissamut neriorsuut inatsimmi malittarisassani atugassarititat malillugit ingerlatiinnarneqassaaq.

Tapiissutit tapiissutissatulluunniit neriorsuutit illunut sanaqataaffiusunut taarsigassarsiat pillugit Inatsisartut inatsisaat nr. 28, 3. december 2018-imeersoq malillugu tapiissutisisussamut nalunaarutigineqartut kommunalbestyrelsi tapiissutinik tunniussisuutillugu inatsimmilu atugassarititaasutut aalajangersakkat malillugit ingerlatiinnarneqassapput."

Naalakkersuisut – suliassaqarfik 10-89-imut nassuiaatit

Oqaasertaliussanut nassuiaatit tulliuttut ivertinneqarnissaat qinnutigineqarpoq:

"Nr. 13-mut

Illunut sanaqataaffiusunut taarsigassarsiat pillugit Inatsisartut inatsisaat nr. 28, 3. december 2018-imeersukkut kingullermik Inatsisartut inatsisaatigut nr. 27, 21. maj 2024-meersukkut allanngortinneqartumi malittarisassat malillugit, inatsimmi § 2-mi kommunalbestyrelsit piginnaatinneqarnerat assigalugu Naalakkersuisut illunik sanaqataaffiusunut taarsigassarsisitsinnaanermut tunngavissinneqarnissaat oqaasertaliussani siunertaavoq.

Ilanngussaq 2, oqaasertaliussat kiisalu oqaasertaliussanut nassuiaatit

Illunut sanaqataaffiusunut taarsigassarsisitsinnaanermut piginnaatitsissutip ulloq 1. januar 2026 aallarnerfigalugu Naalakkersuisunut nuunneqarnissaa oqaasertaliussat qulakkiissavaat, qitiusumimi allaffissornikkut aaqqiineq nuna tamakkerlugu pisariinnerusumik assigiiaarnerusumillu qulakkeerinnissinnaasutut nalilerneqarmat. Peqatigisaanik Naalakkersuisut aaqqissuussinermik aqutsinermik allaffissornikkullu ingerlatsinermut erseqqinnerusunik malittarisassiorsinnaanermik piginnaatinneqarput, tassani agguaassinermut tunngavissat, taarsigassarsinermi atugassarititat, akiliinerit, akilersuutit, qularnaveeqqussinerit, utertitsilluni akiliinerit kiisalu nakkutilliineq nakkutiginninnerlu ilanngullugit. Tamanna nuna tamakkerlugu illunik sanaqataanermik aaqqissuussinermik erseqqinnerusumik naligiinnerusumillu isumannaarinneqataassaaq.

Oqaasertaliussat Inatsisartunut inatsisip tunngaviusumik siunertaa allanngortinngilaa, innuttaasullu namminneq illuliornermi peqataaqataanerannik periarfissaasa nukittorsarnissaat siunertaralugu allaffissornikkut aaqqissuussineq nalimmassaassallugu.

Taarsigassarsiat, taarsigassarsinissamik neriorsuutit tapiissutissanullu neriorsuutit pioreersut ulloq 1. januar 2026 sioqqullugu Inatsisartut inatsisaat malillugu kommunalbestyrelsimit nalunaarutigineqartut, atugassarititaasut allanngortinnagit kommunalbestyrelsi taarsigassarsisitsisoralugu tapiissutinilluunniit tunniussisoralugu ingerlateqqinneqassapput. Illunut sanaqataaffiusunut piffissami nuussinerit piffianni inniminnerneqareerlutilluunniit sanaartorneqalereersut, neriorsuutit aamma malittarisassat atuuttut malillugit ingerlateqqinneqassapput.

Oqaasertaliussaq nutaajuvoq."

Naalakkersuisut - Suliassaqarfik 10 – 89

Nr. 104.

Oqaasertaliussaq nr. 14 tulluuttoq suliassaqarfimmut uunga ivertinneqassasoq qinnutigineqarpoq. Oqaasertaliussat ivertinneqarnissaannut qinnuteqarnermut oqaasertaliussanut ukununnga tunngavilersuummut nassuiaatit innersuussutigineqarput:

"Nr. 14.

Illuliortiternernut aningaasalersuineq pillugu Inatsisartut inatsisaat nr. 39, 23. november 2017-imeersoq naapertorlugu – Naalakkersuisut Inatsisartut inatsisaanni kapitali 3 aamma 4 illuutaareersunik iluarsartuussinerit, pitsannguinerit alliliinerillu kiisalu illuutaareersunik soraarnerussutisiaqartunit pigineqartunit iluarsartuussinerit malillugit taarsigassarsisitsinnaanermut Naalakkersuisut piginnaatinneqarput.

Taamattaq Naalakkersuisut allaffissornikkut ingerlatsinermut aalajangersakkanik erseqqinnerusunik aalajangersaasinnaapput, tassani tunniussinernut, taarsigassarsisitsinermi atugassarititanik, kiisalu aaqqissuussinerup aqunneqarneranut aaqqissuussinermillu nakkutilliineq ilanngullugit.

Kommunalbestyrelsip Illuliortiternernut aningaasalersuineq pillugu Inatsisartut inatsisaat nr. 39, 23. november 2017-imeersoq malillugu taarsigassarsititsinissamut periarfissaata ulloq 1. januar 2026 aallarnerfigalugu atorunnaarnissaa, tamatuma malitsigaa.

Taarsigassarsiaareersut taarsigassarsisitsinissamullu neriorsuutit Inatsisartut inatsisaat malillugu taarsigassarsisumut nalunaarutigineqareersut, kommunalbestyrelsi taarsigassarsisitsisuutillugu inatsimmi atugassarititaasutut aalajangersakkat malillugit ingerlatiinnarneqassapput."

Ilanngussaq 2, oqaasertaliussat kiisalu oqaasertaliussanut nassuiaatit

Naalakkersuisut – suliassaqarfik 10-89-imut nassuiaatit

Oqaasertaliussanut nassuiaatit tuliiuttut ivertinneqarnissaat qinnutigineqarpoq:

"Nr. 14-mut.

Illuliortiternernut aningaasalersuineq pillugu Inatsisartut inatsisaat nr. 39, 23. november 2017-imeersoq naapertorlugu, kommunalbestyrelsit piginnaatinneqarnerat assigalugu Naalakkersuisut taarsigassarsititsisinnaanermut piginnaatinneqarnissaat oqaasertaliussani siunertaavoq. Oqaasertaliussat taamaallaat Inatsisartut inatsisaanni kapitali 3 aamma 4, inissianik iluarsartuussinernut, pitsanngorsaanernut allilerinernullu kiisalu inissianik soraarnerussutissiaqartunik pigineqartunik iluarsartuussinernut tunngapput.

Aalajangersakkat taakku malillugit taarsigassarsititsisinnaanernup ulloq 1. januar 2026 aallarnerfigalugu Naalakkersuisunut nuunneqarnera oqaasertaliussap malitsigaa. Qitiusumik allaffissornikkut aaqqiineq nuna tamakkerlugu inissianik aningaasalersuisarnermik aaqqissuussinerup pisariinnerusumik, ersarinnerusumik assigiiaarnerusumillu aqutsinermik qulakkeerinninnissamik naliliineq tunuliaqutaavoq.

Peqatigisaanik Naalakkersuisut aaqqissuussinermik aqutsinermik allaffissornikkullu ingerlatsinermut erseqqinnerusunik malittarisassiorsinnaanermik piginnaatinneqarput, tassani agguaassinermut tunngavissat, taarsigassarsinermi atugassarititat, akiliinerit, akilersuutit, qularnaveeqqussiinerit, utertitsilluni akiliinerit kiisalu nakkutilliineq nakkutigininnerlu ilanngullugit.

Oqaasertaliussat Inatsisartunut inatsisip tunngaviusumik siunertaa allanngortinngilaa, allaffissornikkulli aaqqissuussinermik nalimmassaaneruvoq, taamaalilluni aaqqissuussineq eqaannerusumik atorneqarsinnaaqqullugu illuutinillu pioreersunik iluarsartuussinermik pitsanngorsaanernullu atorneqarsinnaaqqullugu – tassani nuna tamakkerlugu soraarnerussutisiallit illuutaat ilanngullugit.

Taarsigassarsiat, taarsigassarsinissamik neriorsuutit pioreersut ulloq 1. januar 2026 sioqqullugu Inatsisartut inatsisaat malillugu kommunalbestyrelsimi nalunaarutigineqartut, atugassarititaasut allanngortinnagit kommunalbestyrelsi taarsigassarsisitsisoralugu ingerlateqqinneqassapput.

Oqaasertaliussaq nutaajuvoq."

Naalakkersuisut siulittaasuat - Suliassaqarfik 10 - 12

Nr. 105.

Kontumut pingaarnermut 10.98.04 Digitalinngortitsinermut Aqutsisoqarfiup IT-kkut ataatsimoorussamik aqutsissutai

Allannguutissatut siunnersuutikkut ugguuna oqaasertaliussaq nr. 6 nassuiaatillu tassunga atasut peerneqarnissaat qinnutigineqarpoq:

"Nr. 6.

Namminersorlutik Oqartussani immikkoortortat tunngaviusumik paasissutissanut tunngatillugu sullissinermik kiffartuussissutinilluunniit atuinerinit aningaasartuutaanerulersut Digitalinngorsaanermut Aqutsisoqarfiup ukiumut annerpaamik 2,1 mio. kr.-t akiligassiissutigisinnaavai."

Ilanngussaq 2, oqaasertaliussat kiisalu oqaasertaliussanut nassuiaatit

Tunngaviusumik paasissutissanut aningaasartuutit kontumi pingaarnermi uani aningaasartuutigineqarnatik, taarsiullugu kontumi pingaarnermi 10.98.05 Nuna tamakkerlugu digitalikkut aaqqiissutit aningaasartuutigineqartarnissaat allannguutissatut siunnersuutit malitsigaa.

Aningaasaqarnermut Akileraartarnermullu Naalakkersuisoq - Suliassaqaarfik 20 – 24

Nr. 106.

Kontumut pingaarnermut 20.05.46 Naalagaaffimmik sinaakkutitut isumaqatigiissut

Oqaasertaliussaq nr. 1 tulliuttoq kontumut pingaarnermut uunga ivertinneqassasoq qinnutigineqarpoq. Oqaasertaliussat ivertinneqarnissaannut qinnuteqarnermut oqaasertaliussanut ukununga tunngavilersuummut nassuiaatit innersuussutigineqarput:

”Nr. 1.

Naalakkersuisut naalagaaffimmik danskit naalakkersuisuinit sinernerqartunik ulloq 16. september 2025 sinaakkutitut isumaqatigiissutit atugassaqartinneqarnissaannik isumaqatigiissuteqarnissamut piginnaatinneqarput.

Naalakkersuisut isertitaqarsinnaanermut, ingerlatseqatigiiffinnut aningaasaliissutinik il.il. tigusaqarsinnaanermut, aningasartuuteqarnissamik isumaqatigiissuteqarsinnaanermut ingerlatseqatigiiffinnilu inatsisit malillugit iliuuseqarsinnaanernut assigisaannillu, sinaakkutitut isumaqatigiissutit atugassanngortinnissaanik isumaqatigiissutit malitsigisaanik naapertuuttunik iliuuseqarsinnaanermut piginnaatinneqarput.

Naalakkersuisut isumaqatigiissutitigut pigisanilluunniit akiliuteqarnikkut Kalaallit Nunaanni Namminersorlutik Oqartussat pigisaannik nalilinnik tunniussisinnaanermut piginnaatinneqarput, tassani pigisat aalajangersimasut teknikikkullu atortuutit taakkuluunniit ilaat kiisalu nunaminertanik piginnaatitaaffinnik Namminersorlutik Oqartussat tamakkiisumik ilaannakortumilluunniit aktiaatileqatigiiffimmik pigisaata ilaanik imalluunniit ingerlatseqatigiiffimmik pigisamik, Ittoqqortoormiini nunap immikkoortuani mittarfimmik nutaamik Qaqortumilu immami itisuumi umiarsualivimmik pilersitsinerit ilanngullugit. Pisineri akiusinnaasoq Kalaallit Nunaanni Namminersorlutik Oqartussat aktiaatileqatigiiffittut imaluunniit taakku ingerlatseqatigiiffittut pigisaasa ilaannut taarsigassarsitsineratigut, iluarsivigineqarsinnaavoq.

Ingerlatseqatigiiffinnit tamakkiisumik ilaannakortumilluunniit Kalaallit Nunaanni Namminersorlutik Oqartussanik pigineqartunik, sinaakkutitut isumaqatigiissutit atortussanngortinneqarnerani isumaqatigiissutinut atatillugu kattutsitsisinnaanermik avissaartitsisinnaanermillu Naalakkersuisut piginnaatinneqarput.

Aningaasaqarnermut Akileraartarnermullu Ataatsimiititaliap akuersineratigut, sinaakkutitut isumaqatigiissutit atortussanngortinneqarnerani isumaqatigiissutinut atatillugu Naalakkersuisut aningaasanut inatsimmi aningaasaliissutinik naapertuuttunik nikisissinnaanerannik piginnaatinneqarput.

Kontumi pingaarnermi uani aningaasat atorineqanngitsut ukiumut aningaasanut inatsiseqarfiusumut tullermut nuunnissaannut kiisalu aningaasat atorineqanngitsut naalagaaffimmut utertillugit akilersinnaanerannut Naalakkersuisut piginnaatinneqarput.”

Ilanngussaq 2, oqaasertaliussat kiisalu oqaasertaliussanut nassuiaatit

Kontumut pingaarnermut 20.05.46 Naalagaaffimmik sinaakkutitut isumaqatigiissummut nassuiaatit

Oqaasertaliussamut nassuiaatit tulluittut ivertinneqarnissaat qinnutigineqarpoq:

”Nr. 1-imut.

Ulloq 16. september 2025 Danmarkip naalakkersuisuisa Naalakkersuisullu akornanni sinaakkutitut isumaqatigiisuteqartoqarpoq. Sinaakkutitut isumaqatigiissummi kingorna qanoq sinaakkutitut isumaqatigiisutip qanoq sukumiisumik atortussanngortinneqarnissaa pillugu kingorna isumaqatiginninniarnissanut isumagisassanngortinneqarpoq. Tassunga atatillugu oqaasertaliussat Naalakkersuisut naalagaaffimmik, danskit naalakkersuisuinit sinnerneqartunik, sinaakkutitut isumaqatigiisutip atortussanngortinneqarnissaanik isumaqatiginninniarnissaannik isumaqatigiisuteqarnissaannillu piginnaatitsipput.

Sinaakkutitut isumaqatigiissummi ilaatigut makku allassimapput:

- Danmarki Kalaallit Nunaata kangiani Ittoqqortoormiini nunap immikkoortuani mittarfimmik nutaamik sanaartornissamut kiisalu Kalaallit Nunaata kujataani Qaqortumi immami itisuumi talittarfimmik tamakkiisumik aningaasalersuineramik peqataassasoq.
- Danmarki ulloq 1. januar 2026 aallarnerfigalugu kalaallit napparsimasut danskit napparsimaviini katsorsarneqartarnerannut, Kalaallit Nunaata manna tikillugu tassunga aningaasartuutigisarsimasaannut assingusunik Kalaallit Nunaanni Peqqinnissaqarfimmut tapiissutunik annertusaassasoq. Peqqinnissamut immikkoortumi tapiissuteqarnerusinnaanermut suuleqatigiinnerusinnaanermullu periarfissat misissuiffigineqarnissaat isumaqatigiisutigineqarpoq.

Naalakkersuisut sukkasuumik pisariitsumillu sinaakkutitut isumaqatigiissummi immikkuualuttunik taakkunanga atortussanngortitsinnaanermut pisariaqartunik iliuusissatut periarfissinneqarnissaat, oqaasertaliussami siunertaavoq. Suliniutinut ataasiakkaanut tunngavissat Naalakkersuisumit oqartussaaffimmut pineqartumut akisussaasuusumit, Aningaasaqarnermut Akileraartarnermullu Naalakkersuisoq, pingaarnertut aningaasaliissutitigullu ataqatigiissaarineramik ingerlatsisoq suleqatigalugu suliarineqartassapput.

Oqaasertaliussamut uunga tapiliullugu 2025-mi ukiaanerani ataatsimiinnermi aningaasarsianik akileraarutit pillugit Inatsisartut inatsisaata allanngortinneqarneranik Inatsisartut inatsisissaattut siunnersuutaannut allannguutissatut siunnersuummut (UKA2025/13), ilanngaatitaqanngitsumik akileraarusiineramik aaqqissuussinerup Kalaallit Nunaata kangiani Ittoqqortoormiini nunap immikkoortuani mittarfimmik nutaamik kiisalu Kalaallit Nunaata kujataani Qaqortumi immami itisuumi umiarsualivimmik sanaartornerit ilaativerlugit annertusineqarnissaanik siunertaqartumik saqqummiussisoqarnissaa ilimagineqarpoq.

Peqqinnissaqarfimmut immikkoortumi sinaakkutitut isumaqatigiisutip atortussanngortinnera assersuutigalugu, Kalaallit Nunaanni innuttaasut ullutsinnut naleqquttunik atugarissaarnikkut ikiorsiissutunik neqeroorutinillu periarfissaqarnissaasa qulakkeerneqarnissaa siunertaralugu, danskit piffiisa napparsimasut Kalaallit Nunaanneersut katsorsarneqarnerannut aningaasartuutaasa Danmarkimit siunissami akilernerqartarnissaanik imaqarsinnaavoq. Imaluunniit Naalagaaffik Nunatta Karsianut annertoqataanik tapiissuteqarsinnaavoq, taassumalu Danmarkimi napparsimasunik katsorsaanermut aningaasartuutit akilissavai. Sinaakkutitut isumaqatigiisutip malitsigisaanik

Ilanngussaq 2, oqaasertaliussat kiisalu oqaasertaliussanut nassuiaatit

assingusumik isumaginninnermut ilinniartitaanermullu immikkoortumi isumaqatigiissuteqartoqarsinnaavoq.

Ittoqqortoormiini mittarfimmik Qaqortumilu immami itisuumi umiarsualivimmik sanaartornermut ingerlatsinermullu tunngatillugu, aamma periutsit assigiinngitsut arlaliusinnaapput. Naalagaaffik suliniutitut sanaartornermut ingerlatsinermullu nunatta karsianut tapiissuteqarsinnaavoq, sanaartornerluunniit ingerlatsinerlu ingerlatseqatigiiffiit ataanni pisinnaavoq. Oqaasertaliussatigit tunuliaqutaralugit illuatungeriit akornanni periuseq sukumiisoq pillugu illuatungeriit isumaqatiginninniarnissaat tunuliaqutaralugu isumaqatigiissuteqarnissaaq Naalakkersuisunut isumagissassanngortinneqarpoq.

Oqaasertaliussaq kontumi pingaarnermi Naalakkersuisut isertitaqarsinnaanerannik, tapiissutinik tigusaqarsinnaanerannik, ingerlatseqatigiiffinnut aningaasaliissutinik il.il. tigusaqarsinnaanerannik piginnaatitsivoq. Taamattaq sinaakkutitut isumaqatigiissutit atugassanngortinneqarnerannik isumaqatigiissutit kingunerisaannik Naalakkersuisut aningaasartuuteqarsinnaanerannik piginnaatinneqarput, assersuutigalugu Danmarkimi napparsimasunik katsorsaanernut, imaluunniit sanaartugassanik pilersaarutinik taaneqartunik pilersaarusiornissamut, sanaartornissamut ingerlatsinissamullu.

Naalagaaffimmik sinaakkutitut isumaqatigiissummik atugassanngortitsineq pillugu isumaqatigiissutit atugassanngortinnissaat siunertaralugu ingerlatseqatigiiffiit pillugit inatsisitigit iliutsit naapertuuttut allat ingerlannissaannut Naalakkersuisut piginnaatinneqarput.

Naalakkersuisut atortuutinik naapertuuttunik il.il. Namminersorlutik Oqartussat tamakkiisumik ilaannakortumilluunniit aktiaatileqatigiiffimmik pigisaata ilaannik imaluunniit ingerlatseqatigiiffinnut taakkunanga pigineqartunut tunniussisinnaanermut piginnaatinneqarput. Tunniussinerit ingerlatseqatigiiffiit pillugit malittarisassat malillugit atortuutinik akiliuteqarnikkut imaluunniit Naalakkersuisut ingerlatseqatigiiffiullu pineqartup akornanni isumaqatigiissuteqarnikkut, Ittoqqortoormiini nunap immikkoortuani mittarfimmik nutaamik kiisalu Qaqortumi immami itisuumi umiarsualiviornermut taakkununggalu atasunik nunami atortuutinik illuutinillu kiisalu pisortat attaveqaataannik taakku malitsigisaannik isumaqatigiissuteqarnikkut. Isumaqatigiissut naapertorlugu tunniussinikkut pisinermi aki aningaasanik pigisat nalillit tunniunneqartut naleqataannik aalajangersaasoqassaaq. Pisinermi aki aningaasanik tigoriaannarnik imaluunniit Kalaallit Nunaanni Namminersorlutik Oqartussat taarsigassarsitsinerisigut aaqqinneqarsinnaapput. Naalakkersuisut taarsigassarsiarititanut atugassarititanik erseqqinnerusumik aalajangersaassapput.

Tamatuma saniatigit Aningaasaqarnermut Akileraartarnermullu Ataatsimiititaliap akuersineratigit Naalakkersuisut aningaasanut inatsimmi aningaasaliissutit akornanni pisariaqartumik nuussisinnaanermik piginnaatinneqarput. Tamanna assersuutigalugu aningaasanut inatsimmi atuuttumi kontuni pingaarnerni naapertuuttuni, soorlu nunani allani napparsimasunik katsorsaanernut aningaasaliissutinut imaluunniit ilaannakortumik siunertanut allanut nuussinernut tunngasinnaavoq.

Aningaasaliissutit aningaasartaqanngitsumik aningaasaliissutitut iluseqarput, naalagaaffimmimmi isertitaasinnaasut, aningaasaliissutaasunut ilaasussat, assersuutigalugu napparsimasunut katsorsaanermik imaluunniit sanaartornermut suliniutitut, sinaakkutitut isumaqatigiissutit atugassanngortinneqarnissaa pillugu naalagaaffimmik isumaqatigiissutaasoq naapertorlugu aningaasartuutiginneqartunik illuatungilerneqartussaammat.

Ilanngussaq 2, oqaasertaliussat kiisalu oqaasertaliussanut nassuiaatit

Aningaasartuutit atuuffissaat passussinnaajumallugu Naalakkersuisut aningaasaliissutininik ukiut aningaasanut inatsiseqarfiusut akornanni nuussisinnaaneranikk piginnaatinneqarput. Aningaasartuutit atuuffissaasa nikinnerat assersuutigalugu naalagaaffik aningaasartuummut, aatsaat ukiup tulliani atorneqarsinnaasumik tapiissuteqarpat pilersinnaavoq. Immikkoortumi aningaasartuut naalagaaffimmit matussutissatut tunniunneqartut tapiissutigineqartumit annikinneruppat, taamattaq Naalakkersuisut tapiissutaavallaartut utertinnissaannut piginnaatinneqarput.

Oqaasertaliussaq nutaajuvoq.”

Nr. 107.

Kontumut pingaarnermut 20.05.46 Naalagaaffimmik sinaakkutitut isumaqatigiissut

Oqaasertaliussaq nr. 2 tulliuttoq kontumut pingaarnermut uunga ivertinneqassasoq qinnutigineqarpoq. Oqaasertaliussat ivertinneqarnissaannut qinnuteqarnermut oqaasertaliussanut ukununga tunngavilersuummut nassuiaatit innersuussutigineqarput:

”Nr. 2.

1. Naalakkersuisut nuna tamakkerlugu pilersaarummut peqqussutikkut pilersaarusiorneq aamma nunaminertat atorneqartarnerat pillugit Inatsisartut inatsisaat naapertorlugu Ittoqqortoormiini nunap immikkoortuani mittarfimmik nutaamik kiisalu Qaqortumi immami itisuumi umiarsualivimmik, taakkunungalugu atasunik nunami atortuutininik illuutinillu kiisalu pisortat attaveqaataannik taakku malitsigisaannik sanaartornermi erseqqinnersunik aalajangersaasinnaapput. Naalakkersuisut nuna tamakkerlugu pilersaarummut peqqussummik immikkoortup ilaata Ittoqqortoormiini nunap immikkoortuani mittarfimmik kiisalu Qaqortumi immami itisuumi umiarsualivimmik, taakkunungalugu atasunik nunami atortuutininik illuutinillu kiisalu pisortat attaveqaataannik taakku malitsigisaannik sanaartukkanut atorneqarnissaata kommunimut pilersaarutitullu inatsisitigut atuuffeqarnissaanik aalajangersaasinnaapput.

2. Peqqinnissaqarfiup sullissineri il.il. pillugit Inatsisartut peqqussutaanik, tak. inatsisitigut nalunaarut nr. 44, 26. september 2023-meersoq nalunaarutillu tassunga atasut, napparsimasunik Danmarkimi katsorsarneqartussanngorlugit innersuunneqartut kiisalu peqqinnissaqarfimmik immikkoortumi tapiissuteqarneruneq suleqatigiinnermullu ataattillugu sinaakkutitut isumaqatigiissutit atortussanngortinnerani Naalakkersuisut tamakkiisumik ilaannakortumilluunniit sanoqqutsisinnaanermut piginnaatinneqarput.

3. Pappiaqqat, taarsigassarsinermi pappiaqqat, takussutissat uppersarsaatillu il.il. oqaasertaliussamut uunga attuumasut, sannaartornermut atattillugu suliarineqartut pisortanut naqitsinermi akitsuummut ilaatinneqanngillat. Naqitsinermit akiliummut ilaattitsinnginnermi aamma pappiaqqat taarsigassarsititsinermilu pappiaqqat il.il. Namminersorlutik Oqartussat ingerlatseqatigiiffiisa ilaanut pigisanik nalilinnik oqaasertaliussaq 1-imi siuliani ilaasunik tunniussinerit aamma ilaatinneqarput.

Kontumut pingaarnermut 20.05.46 Naalagaaffimmik sinaakkutitut isumaqatigiissummut nassuiaatit

Oqaasertaliussamut nassuiaatit tulliuttut ivertinneqarnissaat qinnutigineqarpoq:

”Nr. 2.

1. Ittoqqortoormiini nunap immikkoortuani mittarfimmik nutaamik kiisalu Qaqortumi immami itisuumi umiarsualivimmik, taakkunungalugu atasunik nunami atortuutininik illuutinillu kiisalu pisortat

Ilanngussaq 2, oqaasertaliussat kiisalu oqaasertaliussanut nassuiaatit

attaveqaataannik taakku malitsigisaannik sanaartukkanik pilersitsinermut nuna tamakkerlugu pilersaarummut peqqussummik Naalakkersuisut atulersitsinissamik piginnaatinneqarput.

Oqaasertaliussakkut sanaartukkat pilersaarummi toqqammavik pillugu ersarinngitsuliornernik isumaqatigiinnnginnernilluunniit pisariaqanngitsumik kinguarsarneqannginnissaa qulakkeerneqarpoq. Naalakkersuisut pilersaarusiorneq aamma nunaminertat atorneqartarnerat pillugit Inatsisartut inatsisaanni § 9, imm. 1-2 malillugu, tak. Namminersorlutik Oqartussat Inatsisitigut nalunaarutat nr. 4, 25. Januar 2024-meersoq, inuiaqatigiinni soqutigisat annertuut pineqartillugit nuna tamakkerlugu pilersaarummut peqqussutip kommunimut pilersaarutitulli inatsisitigut atuuffeqarnissaanik aalajangiisinnaareerput. Ittoqqortoormiini nunap immikkoortuani mittarfimmik nutaamik kiisalu Qaqortumi immami itisuumi umiarsualivimmik, taakkunungalugu atasunik nunami atortuutinik illuutinillu kiisalu pisortat attaveqaataannik taakku malitsigisaannik sanaartukkanut pilersaarusiornermi toqqammavimmik qulakkeerinninnissamut Naalakkersuisut piginnaatinneqarnerannik qularuteqartoqalinnginnissaa pillugu siunnersuut ilanngunneqarpoq.

2. Tamatuma saniatigut peqqinnissaqarfiup sullissineri il.il. pillugit Inatsisartut peqqussutaanni, tak. Namminersorlutik Oqartussat inatsisinik nalunaarutaat nr. 44, 26. September 2023-meersoq, napparsimasunik Danmarkimi katsorsarneqartussanngorlugit innersuunneqartunut kiisalu peqqinnissaqarfimmu immikkoortumi tapiissuteqarneruneq suleqatigiinnermullu atatillugu Naalakkersuisut tamakkiisumik ilaannakortumilluunniit malittarisassanik sanioqqutsisinnaanermut piginnaatinneqarput.

Inatsisit siuliani taaneqartut sanioqqunneqarnissaannik Naalakkersuisut aalajangerpata, tamakku pillugit aalajangernerit allaffissornermi oqartussamut allamut maalaarutigineqarsinnaanngillat.

3. Oqaasertaliussaq aktiaatileqatigiiffinnut Kalaallit Nunaanni Namminersorlutik Oqartussanit pigineqartunut atorsinnaavoq. Tassunga atatillugu ingerlatseqatigiiffiit Ittoqqortoormiini nunap immikkoortuani mittarfimmik nutaamik kiisalu Qaqortumi immami itisuumi umiarsualivimmik, taakkunungalugu atasunik nunami atortuutinik illuutinillu kiisalu pisortat attaveqaataannik taakku malitsigisaannik sanaartukkanik pilersitsinermik Naalagaaffimmik isumaqatigiissutigineqartut piviusunngortinneqarnerinut ilapittuinissaat naatsorsuutigineqarpoq.

Ingerlatseqatigiiffiit suliniutillu naqitsinermi akitsuummik akiliinissaannik piumasaqarfiginerisigut nammakkersornissaat naapertuuttuussanngilaq. Taakkununga pappiaqqanik pigisanik nalilinnik aningaasaliinikkut namminersorlutiilluunniit oqartussat pigisaasa nalillit tunniunneqarnerisigut naqitsinermi akitsuusiineq ilaavoq.

Oqaasertaliussaq nutaajuvoq.”

Kontumut pingaarnermut 20.05.46 Naalagaaffimmik sinaakkutitut isumaqatigiissut Nr. 108.

Oqaasertaliussaq nr. 3 tulluuttoq kontumut pingaarnermut uunga ivertinneqassasoq qinnutigineqarpoq. Oqaasertaliussat ivertinneqarnissaannut qinnuteqarnermut oqaasertaliussanut ukununga tunngavilersuummut nassuiaatit innersuussutigineqarput:

”Nr. 3.

Kalaallit Nunaata aningaasaqarnerata siuarsarnissaa pillugu naalagaaffimmik sinaakkutitut isumaqatigiissutip ulloq 16. september 2025-meersup malitsigisaannik ingerlatsivinnik

Ilanngussaq 2, oqaasertaliussat kiisalu oqaasertaliussanut nassuiaatit

suliffeqarfinnilluunniit atulersinneqartuni pilersinneqartuniluunniit akuersinissaq naapertuuffianilu sinniisunik toqqaanissamik isumaqatigiissuteqarsinnaanermik Naalakkersuisut piginnaatinneqarput.”

Kontumut pingaarnermut 20.05.46 Naalagaaffimmik sinaakkutit isumaqatigiissummut nassuiaatit

Oqaasertaliussamut nassuiaatit tulluuttut ivertinneqarnissaat qinnutigineqarpoq:

”Nr. 3-mut

Ulloq 16. september 2025 Danmarkip naalakkersuisuisa Naalakkersuisullu akornanni isumaqatigiissuteqartoqarpoq. Sinaakkutit isumaqatigiissummi ilaatigut makku allassimapput:

- Danmarkip naalakkersuisui Kalaallillu Nunaata Naalakkersuisui aningaasaliisarnermi aningaasaateqarfirmik ataatsimik arlalinnilluunniit assigisaanilluunniit, danskinit aningaasalersorneqartumik kalaallinillu pingaarnertut aqunneqartunik, aningaasalersuinissanut Kalaallit Nunaata imminut napatittup patajaatsumik aningaasaqarnikkut toqqammavissaanik pilersitsinermut ilapittuisinnaanermut tunngavissanik nukittorsaanermut atorneqarsinnaasunut periarfissat pillugit oqaloqatigiinnissaq isumaqatigiissutigaa.

Sinaakkutit isumaqatigiissutip sinaakkutit isumaqatigiissutip ilaata taassuma qanoq atorussanngortinneqarnissaa pillugu kingusinnerusukkut isumaqatigiissutini tamanna aalajangigassanngortippaa. Ingerlatsivinni suliffeqarfinnilluunniit taakkunani ilaasortanik toqqaanissamut, kiisalu taakkununga malittarisassanik il.il. aalajangernissamut Naalakkersuisut piginnaatinneqarput, tamakku aningaasaliinissanut aningaasaateqarfinnik, Kalaallit Nunaata aningaasaqarnikkut ineriartorneranik siuarsaasinnaasunnut pilersitsinerni pinerini.

Oqaasertaliussaq nutaajuvoq.”

Isumaginninnermut, Suliffeqarnermut, Nunamut namminermut Avatangiisinullu Naalakkersuisoq – Suliassaqarfik 31

Nr. 109.

Kontumut pingaarnermut 31.02.01 Inersimasunut inuunikkut atugarliortunut suliniutit

Kommunini suliniutitut ukiumut aningaasanut inatsiseqarfiusumit sivisunerusunut tapiissuteqarnissamik kissaateqarnerup malitsigisaanik oqaasertaliussaq tulluuttoq ivertinneqassasoq qinnutigineqarpoq:

”Kontu pingaarnernut uuma siunertaata iluaniittunik suliassanik aaqqiissuteqarnissamut avataani suleqatinik ukiuni arlalinni atuuttunik isumaqatigiissuteqarnissamut Naalakkersuisut piginnaatinneqarput. Isumaqatigiissutit ataatsimut aningaasaliissutinit qaffasinnerussanngillat, ukiunullu missingersuusiorfiusunut kinguneqassanatik.”

Kontumut pingaarnermut 31.02.01 Inersimasunut inuunikkut atugarliortunut suliniutit nassuiaatit

Oqaasertaliussamut nassuiaatit tulluuttut ivertinneqarnissaat qinnutigineqarpoq:

Ilanngussaq 2, oqaasertaliussat kiisalu oqaasertaliussanut nassuiaatit

”Oqaasertaliussaq Naalakkersuisut suleqatinik, soorlu kommuninik ataasiakkaanik ukiunut arlalinnut atuuttunik isumaqatigiissuteqarsinnaanerannik periarfissiivoq, taamaalilluni ungasissumut sammisumik pilersaarusiorsinnaaneq pisinnaalersinneqarluni.

Oqaasertaliussaq nutaajuvoq.”

Ilinniartitaanermut, Kulturimut, Timersornermut Ilageeqarnermullu Naalakkersuisoq – Suliassa qarfik 40 Nr. 110.

Kontumut pingaarnermut 40.02.06 Ilinniarnermi tapiissutit meeqqanullu tapit

Allannguutissatut siunnersuutikkut ugguuna ilinniakkat nutaat marluk, kontumi pingaarnermi ilinniakkatut lærlinginut tapiissuteqarfiusinnaasutut ilanngunneqarnissaat qinnutigineqarpoq. Ilinniakkat nutaat marluk tassaapput kosmetikeri kingusiortorlu.

Taamaammat oqaasertaliussani ”Kosmiteri” qaammammut lærlingimut ataatsimut 1.210 kr.-nik tapiissuteqarfigineqarsinnaasutut ilanngunneqarnissaa qinnutigineqarpoq. Taamaalilluni ”Kosmetikeri” ilinniakkap ”Nujalerisoq” kingorna titarnertaamut ilanngunneqarpoq.

Taamaammat oqaasertaliussani ”Kigusiortoq” qaammammut lærlingimut ataatsimut 1.908 kr.-nik tapiissuteqarfigineqarsinnaasutut ilanngunneqarnissaa qinnutigineqarpoq. Taamaalilluni ”Kigusiortoq” ilinniakkap ”Svejsersisartoq” kingorna titarnertaamut ilanngunneqarpoq.

Kontumut pingaarnermut 40.02.06 Ilinniarnermi tapiissutit meeqqanullu tapit nassuiaatit

AIS2026-mi kontumut pingaarnermut uunga oqaasertaliussanut nassuiaatini oqaaseqatigiit tulluuttut peerneqarnissaat qinnutigineqarpoq:

”Oqaasertaliussat AI2025-mit ingerlateqqitaapput.”

Uanngalu taarserneqassaaq:

”Oqaasertaliussat aaqigallikkat AI2025-mit ingerlateqqitaapput.”

Nr. 111.

Kontumut pingaarnermut 40.02.06 Ilinniarnermi tapiissutit meeqqanullu tapit

Oqaasertaliussaq nr. 2 tulluuttoq suliassa qarfimmu uunga ivertinneqassasoq qinnutigineqarpoq. Oqaasertaliussat ivertinneqarnissaannut qinnuteqarnermut oqaasertaliussanut ukununnga tunngavilersuommut nassuiaatit innersuussutigineqarput:

”Nr. 2.

Atuartunut NUIKI-mi suliniuummi piginnaanngorsarnermik ingerlataqartunut qaammatikkaartumik tapiissummik, kingorna NUIKI-mik tapiissummik taaneqartumik, atuartunut 18-t sinnerlugit ukiulinnut kr. 5.112-nik kiisalu atuartunut 18-t inorlugit ukioqartunut kr. 2.454-nik tunniussinissamik piginnaatinneqarput.

Taamattaq NUIKI-mi atuartut Ilinniagaqarnersiutit pillugit Namminersorlutik Oqartussat Nalunaarutaat nr. 9, 19. juli 2017-imeersumi § 13 naapertorlugu kontumi pingaarnermi 40.02.06

Ilanngussaq 2, oqaasertaliussat kiisalu oqaasertaliussanut nassuiaatit

Ilinniarnermi tapiissutit meeqqanullu tapit aningaasartanut oqaasertaliussani naapertuuttunik meeqqanut tapinik pissarisinnaavoq.”

Kontumut pingaarnermut 40.02.06 Ilinniarnermi tapiissutit meeqqanullu tapit nassuiaatit

Oqaasertaliussanut nassuiaatit tulluittut ivertinneqarnissaat qinnutigineqarpoq:

”Nr. 2-mut

Ilinniagaqarnersiutit pillugit Inatsisartut inatsisaat nr. 12, 22. November 2011-meersoq, Inatsisartut inatsisaatigut nr. 16, 6. juni 2016-imeersukkut allanngortinneqartumi suliniummi NUIKI-mi atuarnik piginnaanngorsaanermik ingerlatsisuni qaammatikkaartumik ilinniagaqarnersiutinik, kingorna “NUIKI-mut tapiissut”-mik taagorneqartumik, tunniussisinnaanermut periarfissiinngimmat, oqaasertaliussaq pisariaqarpoq.

NUIKI-mik suliniut nunaqarfinni isorliunerusunilu inuusuttunut 45-nut ilinniagaqarnikkut kivitsinermik imaqarpoq. Matumani nunaqarfinni isorliunerusunilu suliniutikkaartumik atuarnik 15-it kiisalu ukiumut suliniutit pingasut pineqarput. Inuusuttunut 45-nut ilinniagaqarnikkut kivitsineq, inuusuttut inuussutissarsiornikkut ilinniakkamik tigusinissamik piareernissaannut tamakkiisumik suliniummik aallaaveqarpoq.

Oqaasertaliussaq AIS2025-p pingajussaaneerseqarnerani inuusuttunut suliniuteqarnerup nukittorsarnissaa siunertarlugu, meeqqat atuarniannut attuumasunik suliasat suliffeqarnermut immikkoortumit ilinniartitaanermut immikkoortumut nuunneqarnissaanut siunertaqarnermut atatillugu kontu pingaarnerp ukiumoortumik 2.251.000 kr.-nik qaffaavigineqarneranut attuumatillugu isigineqassaaq.

Oqaasertaliussaq nutaajuvoq.”

Ineqarnermut, Attaveqarnermut Isorliunerusunullu Naalakkersuisoq – suliasaqarfik 70-72

Nr. 112.

Kontumut pingaarnermut 72.10.16 Inissiat attartortittakkat ingerlanneqarnerat, aningaasaliissutinit iluanaarutit

Kontumi pingaarnermi uani AIS2026-mi oqaasertaliussaq nr. 10-mi immikkoortoq 2-mi oqaaseqatigiit aappaat tulluittut peerneqarnissaat qinnutigineqarpoq:

”Inuk inuusuttunut inissiami najugaqalernissamut innersuunneqarnissaq ukiunik marlunnik sioqqullugu najugaqarfimmi inuusuttunut inissiap nalunaarsorsimaffiani inuit allatorsimaffianni ataannartumik najugaqarsimassaaq.”

Uanngalu taarserneqarluni:

”Inuk inuusuttunut inissiami najugaqalernissamut innersuunneqarnissaq ukiunik marlunnik sioqqutitsiarlugu najugaqarfimmi inuusuttunut inissiap nalunaarsorsimaffiani inuit allatorsimaffianni ataannartumik najugaqarsimassaaq.”

Taamattaq immikkoortoq ataaniittoq oqaasertaliussami maanna attuuttumi immikkoortup kingulliup immikkoortoq 9-tut ilanngunneqarnissaa qinnutigineqarpoq:

Ilanngussaq 2, oqaasertaliussat kiisalu oqaasertaliussanut nassuiaatit

”9. Inuusuttunut inissiat inunnut imm. 2-4 ilaatinneqartunut attartortinneqarsinnaanngippata, taarsiullugu inissiaq inissarsiortunut nalinginnaasumik utaqqisutut allatsissimaffimmiittunut attartortinneqarsinnaavoq. Attartortitsineq Inissianik attartortitsisarneq pillugu Inatsisartut peqqussutaat nr. 2, 12. maj 2005-imeersoq kingusinnerusukkut allannguutitalik naapertorlugu pissaaq.”.

Kontumut pingaarnermut 72.10.16 Inissiat attartortittakkat ingerlanneqarnerat, aningaasaliissutinit iluanaarutit nassuiaatit

AIS2026-mi kontumut pingaarnermut uunga oqaasertaliussaq nr. 10-mut nassuiaatini immikkoortup pingajuanni oqaaseqatigiit aappaat tulluittut peerneqarnissaat qinnutigineqarpoq:

”Taamaattumik inuusuttoq inuusuttumut inissiamik innersuunneqanngitsiarnermi ukiuni marlunni ataannartumik najukkami najugaqarsimanissaa piumasaqaatigineqarpoq.”

Taarserneqassaarluni:

”Taamaattumik inuusuttoq inuusuttumut inissiamik innersuunneqanngitsiarnermi inuit allattorsimaffianni ukiuni marlunni ataannartumik najukkami najugaqarsimanissaa piumasaqaatigineqarpoq.”

Taamattaq immikkoortoq tulluittoq oqaasertaliussamut nassuiaatini immikkoortut 14-iata 15-iatalu akornannut ivertinneqassasoq qinnutigineqarpoq:

”Inuusuttunut inissiaq inunnut 16-it 24-llu akornanni ukiulimmut attartortinneqarsinnaanngippat, Naalakkersuisut taarsiullugu inuusuttunut inissiaq inissarsiortunut nalinginnaasumik utaqqisutut allatsissimaffimmiittunut attartortinneqarsinnaavoq. Inuusuttunut inissiat eqaatsumik atornerarsinnaanerat taamaaliornikkut qulakkeerneqarpoq, taamaalilluni inissiat piffissami inuusuttunit imm. 2-4 piumasaqaatinik naammassinnittunit piumaneqanngiffianni inoqanngitsooqqunagit. Taamaammat aalajangersakkap inuusuttunut inissianut malittarisassat malillugit attartortitsisinnaannginnermi inuusuttunut inissiat inissarsiortunut nalinginnaasumik utaqqisutut allattorsimaffimmi ilaasunut attartortinneqarsinnaanerat pisinnaanngortinneqarpoq.

Taamatut pisoqartillugu attartortitsineq inissianik attartortitsisarneq pillugu Inatsisartut peqqussutaanni nr. 2, 12. maj 2005-imeersumi, kingusinnerusukkut allanngortinneqartumi malittarisassat nalinginnaasut malillugit pisassaaq. Taamaaliornikkut inuusuttunut inissiani immikkut siunertarineqartut ataatsimullu inissiaatigisat pitsaasumik atorluarneqarnissaannik pisariaqartitsinerup isiginiarneqarnera qulakkeerneqarpoq.

Aalajangersagaq taamaallaat siunnerfigineqartutut eqqarsaatigineqartunit inuusuttunut inissiat piumaneqanngiffiini sunniuteqassaaq. Taamatut pisoqartillugu nalinginnaasumik utaqqisutut allatsissimasunut attartortitsineq aamma piffinni inissianik pilersuinnermut ikorfartuissaaq inissianillu inoqanngitsunik ikilisitsissalluni.”